

卷三



書名 提牢備考四卷
 撰者 清 趙舒翹 撰
 卷 卷三
 內容分類 史-政書-法令-平獄
 索書號 大木-法類-獄訟-提牢-1
 編號 B3882000

彩色首頁1

東洋文化研究所漢籍目錄 編號: B3882000

東洋文化研究所漢籍目錄所藏漢籍善本全文影像資料庫 索書號: 大木-法類-獄訟-提牢-1

漢籍善本全文影像資料庫文本 提牢備考四卷

版權所有: 東京大學 東洋文化研究所

使用上的注意事項

提牢備考卷一

長安趙舒翹輯

監內所需不一惟囚糧為大宗叢弊亦惟囚糧最深籠鳥待哺較嗷嗷飛鴻尤為堪憫獄囚口糧律所以特立專條也仁人君子宜於此先留意焉輯囚糧考

每次領囚糧三百石付陝西司行文戶部赴內倉支領每年領四五次不等

近年犯數較少每歲祇領三次已敷用附錄陝西司近年稿底以備考核

陝西司呈為關領事光緒十一年三月二十日據

提牢備考卷一

提牢備考卷二終



提牢備考卷三

長安趙舒翹輯

制隨時變拘泥匪通法賴人行維持乃久顧未究其所以然勿遽謂化裁盡善也古人云不習為吏視已成事又云前事不忘後事之師為官皆然豈為提牢而能外是哉輯章程考

領米事宜單

一每領米前四十日司獄司具呈提牢回 堂標畫付交陝西司辦先行稿約八日飭吏將文冊投送戶部陝西司辦稿劄行內倉約十二日司獄司出具印領飭吏持赴戶部領出勘合標畫 堂片知照內倉定

期 堂派司獄一員廳派頭役二名更夫四名至期
赴倉關領

一滿漢提牢各覓老靠米鋪一二家酌發給粗米百石
或數十石每石得細米百觔有奇秋後要米人犯十

日一放每名十觔飯夫煮米前日晚間發給每名一觔所餘之

米每日酌煮三四觔散給飯後新收入犯

一散飯時用圓木一根飭官人每杓量平

一廳上舊火印斛一隻火印斗一隻樣杓一把新製大

米櫃二箇大秤一桿斗一隻升一隻斗量一根飯筒

二箇布袋四條水牌一面



一飯頭刑寬業經革退嗣後煮飯每季換更夫一名承
充付知司務廳如有尅扣情事立即更換以防日久
把持

一放米前一日將名數查清以防濫領現在秋後人犯仍領米不領飯

道光三十年提牢廳謹錄

此章程惟第一條第三條與現行事相同餘均不
合然第五條更換飯頭之處雖不能按季屢易如
有煮飯不熟量杓不滿及尅扣各情事輕則責罰
重則隨時更換可也

提牢廳各項事宜

一每次領囚糧參百石付陝西司行文戶部赴內倉支領腳價銀拾參兩陝西司辦稿呈 堂付庫支領每年領四五次不等銷歸奏

一每日與監犯煮飯用煤壹百觔付陝西司行文工部按每月支領折給銀伍兩柒錢

一每月監犯鹽菜銀捌兩禁卒燈油銀陸兩病房煤炭銀貳兩書吏紙張銀壹兩呈 堂付庫支領銷歸奏

一每年立夏後各監口更換蘆蓆銀拾兩呈 堂付庫支領銷歸奏

一每年自五月初一日起各監犯散給冰塊共用拉冰



車價銀拾捌兩呈 堂付庫支領銷歸奏

一夏月各監口薰燒蒼朮柏枝銀拾貳兩捌錢呈 堂付庫支領銷歸奏

一每月各監用藥價銀貳拾兩呈 堂付庫支領銷歸奏

一醫士每月飯銀各貳兩按季呈 堂付庫支領銷歸奏

一醫士每季應領米折銀各伍兩零按二次付福建司

呈 堂赴戶部支領

一每年各監添買大碗壹百參拾個價銀壹兩九錢伍

分呈 堂付庫支領銷歸奏

一每年 朝審後併監看守情實人犯所需燈燭薪水

菜蔬等項呈 堂批給銀柒捌拾兩不等付庫支領

歸隨時支領 併監即所謂現監也 勾到前一
日現監為諸死囚飲食宴樂向不禁惟雜人來往須
屬頭役稽查是日午時提牢先在南監獄廟拈香迨
夜間子正方在北監獄廟焚獻時值冬令寒風慘澹
紙灰亂飛四屋
闐寂境象淒然

一每年情實人犯 勾決後賞禁役等銀壹百壹貳

兩不等呈 堂付飯銀處支領 歸隨時支領

一派幫班司獄並禁役押解人犯赴 圓明園候訊幫

班司獄每日每員給車飯銀伍錢禁役人犯每日每

名飯銀壹錢犯人每車壹輛價銀叁錢赴都虞司每

車壹輛價銀壹錢貳分呈 堂付飯銀處支領 兩監押解



人犯相驗禁役犯人每日每名飯銀壹錢
車輛價叁錢付飯銀處支領今無此項

一每月監犯茶水銀拾兩添買煤炭煮飯銀貳拾兩付

飯銀處支領 歸月例

一飯頭每月添買器具銀伍兩陸錢付飯銀處支領 歸月例

一兩監司獄八員每月飯銀叁拾貳兩付飯銀處支領

按月同各
司飯銀發

一病房調理病犯粥米等項銀每月貳拾肆兩付飯銀

處支領 歸月例

現在監中並無病房庫中仍按月發款不知由何

時將名目塗竄為單衣藥引以致款項淆混徒資
中飽近來體恤病囚諸事皆出提牢自辦雖年獲
友朋捐助究難為繼且恤囚為刑部要務常在外
託鉢亦屬非體聞現任提牢熊再卿起礮會同庫
官景彬卿文陳雅農惺馴議定嗣後此款發出由
庫官親交提牢不經書吏手廳內有此即無捐項
已不虞辦公無出在熊公不避一身嫌怨景陳二
公不憚一時煩勞為監獄施惠無窮後任君子坐
享其成切勿易視也蓋提牢欲有惠政無財實不
可為濮公提牢瑣記後一段言之詳矣今以署中



常有之款辦監內應為之事庶可經久惟庫銀來
不及時常有數月無放項者而提牢任有定期若
將前任用款歸後任承領轉多轉輟如能定一章
程於新漢提牢到任時具稿回 堂預支此款滿
年全數為一任恤囚費用滿漢提牢公立一簿用
項逐款登記事非恤囚不得動一錢所用惟早晨
小米粥飯後
收犯給餅交代時舊提牢算清畫押將簿存廳備
兩宗最要核似此稍加變通於領款無所增於提牢實
有益也姑存斯議以俟後之留心監獄者
一本廳值宿每月飯銀拾伍兩茶水銀叁兩付飯銀處
支領按月同各
司飯銀發

一兩監辟瘟香料每月價銀參兩付飯銀處支領歸月例

一醫士二名每月幫帖每名銀壹兩付飯銀處支領歸月例

一每年冬季各監口鋪草苫用京錢壹百柒捌拾千文由捐衣項撥給

一每年夏季修理橋堯銀肆兩津貼擡搭橋堯銀陸兩伍錢呈堂付飯銀處支領歸隨時支領

一由提督衙門派撥五營弁兵巡邏兩監計官十員兵八十名每月每員名津貼銀參錢共領銀貳拾柒兩付飯銀處支領歸月例

光緒伍年二月二十八日錄

本部飯銀庫放款分三等一日奏銷一日月例一

日隨時支領奏銷及隨時支領二款有時全放有時不放及放一半不等惟月例之款按月必放廳

內月例項下合醫士飯食四糧經費粥茶湯菜避瘟香料各款計之共銀六十四兩六錢庫發實銀

五十一兩六錢八分此款領下從前歸一茶房經理前任濮公將茶房驅逐現

歸書吏弁兵津貼銀二十七兩亦係月例除放弁

兵外餘款些須歸入零用弁兵每晚總有不數名故有餘此外尚有蘿蔔薑湯一款每年領銀一百零一二兩不



等係歸奏銷項下事宜內漏未列入

第七條藥價銀係指監犯所用丸散湯劑諸藥

香料另款除湯藥現時買取外須飭吏將梅花點

歸月例 舌丹萬應錠紫金錠蟾酥錠痧氣靈丹萬應丹臥

龍丹七釐散諸藥常預儲廳內以備急用管庫者

亦可將此項每年必發三數月以其非盡無著也

犯服湯藥須時查問非更夫遲延跌打金瘡諸藥

不速買即買回本屋不速煎也關係尤要更須多配附錄極驗三方金瘡藥方生

白附子十二兩白芷一兩天麻一兩生南星一兩

羌活一兩防風一兩以上六味不見火共研細末

白附子一方藥易價廉
配一料足濟救多人官
遇鬪毆等案施之并可
保全兩造望閱者留意



治一切金刃木器跌損諸傷敷破處即愈傷重或

內傷者用黃酒調服一二錢不避風不忌口 又

被打方荆芥黃蠟魚鱉炒黃各五錢艾葉三片入

無灰酒一碗重湯煮一炷香熱飲之汗出立愈百

日內不得食雞肉 又方桂元核去光皮研細末

破處乾糝腫處用燒酒調敷乾則以酒潤之

風不忌口尤宜
犯用須多配

本部南北兩監酌定防範事宜律例館奉 堂諭查

本部南北兩監額設滿漢司獄晝夜輪流該班管理

人犯原立稽查章程本為周密近有絞犯董其書謀

殺同監人犯一死兩傷一案實屬從來未有之事皆由司獄等平日稽查廢弛經理失宜所致著派提調等將兩監稽查事宜秉公妥議等因遵卽悉心妥議稽查防範事宜相應開單呈 堂閱定存案

道光六年館議

計開稽查南北兩監事宜十條

一監犯內如有彼此口角挾有嫌隙者責成司獄督令該禁卒回明提牢廳將該二犯均另調別監倘該禁卒有心徇隱卽行責革

一禁卒內有年力已衰及尙未成丁或患病聾瞶者責成司務廳於每月點卯時查明更換



一兩所男犯各分四監每監值班禁役額定四名該頭役等往往因散役偶有患病等事卽止令三人值班不足以昭慎重嗣後如禁卒不敷四名額數責成司獄飭令頭役回明提牢廳另調別班補足

一兩監禁役喫飯時向定章程必須向司獄報明領取名牌始行放出內圍飯後仍將原牌交司獄收存該禁役卽歸本班現在該禁役等間有不遵舊章者應責成司獄隨時稽查整頓

一現審人犯各司白日提審時向係幫班禁役等押帶至申刻以後該禁役等卽各散去夜間提審卽係本

屋住宿禁役押帶以致本屋乏人看守嗣後各司遇有夜間熬審案件須於當日午刻預先移付提牢廳以便酌留幫班禁役夜間押犯

一各監收封後禁役分更看守責成司獄不時前往稽查如禁役稍有懈弛之處卽回明提牢廳分別責革一兩監更夫向分內外圍鳴鑼擊柝巡邏防夜每日封門時由內司獄點名近來司獄仍循舊規每日查點更夫分內外圍惟更夫等於點名後往往乘間走出夜間或留二三人於頭二更鳴鑼巡走一二次迨三更後偶遇風雨竟至寂然無聲殊屬瞻玩嗣後責成



提牢率司獄細心訪查如有前項情弊嚴加懲辦

一司獄向係正班人員在內廳值宿如正班遇有患病等事卽令幫班司獄代爲值宿近有正班司獄輪應上班時動以患病有事推諉而幫班之員亦彼此觀望抗不接班臨時未免周章嗣後無論正班幫班人員如實係患病有事均須先期一二日呈明提牢不得於知會到日將有事緣由批寫知會帶回倘仍前

因循提牢廳卽據實回堂參辦

近來司獄無幫班

一律例內關係監獄各例應令提牢廳另行摘錄詳加查察毋得日久懈生其現議章程如有尙未詳盡之

處責成現在提牢司員隨時回 堂再行酌議

一現議章程有責成司獄遵辦者如不肯實力奉行或辦理未臻詳慎提牢司員卽回 堂分別核參

按所議俱係實在情形妥密之至刑案匯覽載入刑部事宜廳內竟不知有此章程似應刻版收存同後約束禁卒規條每年提牢上任時刷印標示一次以新耳目而申警戒

第九條所稱例內關係監獄各例應令提牢廳另行摘錄等語與 翹現所輯條例考用意相合爾時提牢是否遵辦無從查考亦可見後人想到之事

前人均早見及也

同治二年五月二十日清檔房傳奉 堂諭向來南北兩監每監各分四屋其逐日新收人犯如某監人少則點收某監以示均勻近聞該司獄於收人時並不率循舊章任意撥補難保無串同監犯等賄買入監希圖索詐情事嗣後南北兩監均設立掣籤條規責成提牢廳督飭該司獄等務當恪遵辦理以除積習倘有私自更換調撥及前項等弊一經察出定將該司獄嚴參懲辦決不姑寬該提牢官亦當隨時察勘勿得徇隱干咎著將此諭并所定規條傳諭提牢



廳照繕二分懸掛南北兩監司獄處可也特諭

今將規條列後

一兩監均設一籤箭置籤四枝頭貳叁肆各寫一枝共入一箭每於收人時令其自掣一枝照籤點收俟掣完後一并將籤入箭照此輪轉

一各監每日開除人數不齊如某監開除太多比別監人數少至十人以上即將所收人犯不用掣籤儘數補足十人補齊後仍復照常如某監開除甚少比別監人數多至十人以上即將某監之籤暫爲撤出封記俟別監補齊後仍將籤入箭但必須多寫在十人

以上方准照此辦理未過十人者不准

一間有同案要犯須隔別收者先令一犯掣籤如籤係頭監同案之犯仍有掣頭監者則將此籤暫放一邊令其再掣俟同案掣完將前掣出之籤仍入箭內如非同案及尋常各犯以一掣爲定不准再掣

一各司間有批明調收之犯如係南北二犯對調卽以某犯調出之監收調來之犯如係一犯單調卽於調到時仍令掣籤照收倘所掣之監已有同案要犯仍照前調再掣亦無庸另調一犯補前所收之監至本監內有調改屋者均照此辦理



向來南北兩監每監各分四屋其逐日新收人犯如某監人少則點收某監以示均勻乃該司獄等並不遵循舊章任意調撥恐有串同監內人等賄買圖詐情事當於同治二年設立掣籤條規業經諭令提牢廳照繕二分懸掛南北兩監一體遵行在案惟近聞該司獄等日久生懈奉行不力且南監司獄與監口相隔甚遠難保無私自更換調撥等項情弊嗣後每遇新收人犯著傳諭該提牢廳督飭該司獄親赴獄神廟前眼同四監禁役人等按照前定規條令該犯自掣一枝照籤點收倘該司獄等不遵規條任意撥補一經查出定指名嚴參

決不姑寬著將此諭並前定條規照繕懸掛獄神廟前各宜凜遵特諭

同治八年十二月二日清檔房傳

此專爲防司獄收犯而設然司獄之弊固從此絕而司獄之權亦從此輕提牢待司獄須以禮貌遇事相商以收指臂之助且吏役等知內外廳聯爲一氣自不敢肆然無忌爲司獄者亦當矜惜廉隅古人云一命之士苟存心於愛物於人必有所濟觀梁東山先生之事有志者可奮然起矣

東山先生事見

後咸豐元年議復御史宗稷辰分別收禁人犯一摺事涉提牢類附於此以備參核原奏內稱爲遵



旨察核具奏事咸豐元年十月十六日奉

上諭御史宗稷辰奏刑部當月官收禁現審人犯請與提牢會商酌辦等語有無窒礙之處著刑部察核具奏欽此遵查該御史原奏內稱刑部當月人員遇有步軍統領衙門與五城送部案犯及干連人等憑該司員定其當收與否分別收監差帶以待次日分司歸入現審近聞刑部十七司多至一百餘員輪轉當月其中恐有初任少年不知輕重遇有送部之人全行收禁濫收一夜平民之受累已多議將當月收人之例改爲與提牢官會同



察收等語伏查臣部當月司員係十八司輪流充

當每日滿漢二員收受公文及送到現審人犯分別取保收禁俟次日呈堂分簽遇有各旗呈報命案亦於次日前往相驗舊制相沿已久從無貽悞至提牢廳滿漢二員專司稽查南北兩監管理司獄禁卒一切事務例應常川在提牢廳辦事住宿職事向有專司未便責令兼顧且查當月司係在臣部大門之內提牢廳則在北監柵欄門內監獄重地關防綦嚴向來各司司員不准無故到提牢廳行走提牢官亦應常在該廳不得擅離今若改

合彼此會同收犯倘使提牢官出而與當月官會商則徒爲越俎代庖之舉轉多顧此失彼之虞若令當月官帶同人犯前往提牢廳會商則當月司既無人稽察而監獄重地擁擠多人尤恐別滋流弊况查當月官尙有相驗之責較之收犯所繫尤重勢不能令提牢官舍監獄而會相驗也明矣國家設官分職各有攸司不能責以兼顧該御史所奏似屬窒礙難行應毋庸議惟現在臣部十八司司員人數較多不免有初任生手自應酌爲遴派輪流當月以昭慎重應由臣部自行酌量辦理




至該御史奏稱當月官濫收人犯萬一倉卒致有事端故禁之愆甚於誤禁律載故禁平人提牢官知而不舉與之同罪等語臣等查刑律內囚應禁而不禁與故禁故勘平人分別二條囚應禁而不禁一條係指犯罪到官之囚而言故禁故勘平人一條則指平空無事之人亦無名字在官而官吏挾讎故禁者而言律文本自判然援引不容牽混今臣部當月官所收人犯均係犯案到官之人與並無名字之平人不同倘有收禁輕重失宜之處應照囚應禁而不禁及不應禁而禁律辦理該御

史指為故禁平人並稱責令提牢舉發之處係屬
誤會律意亦毋庸議

提牢廳為再行剴切曉諭事照得該班禁役媮惰性成
玩視公事屢經本廳出示曉諭原期各役咸知振作痛
改前非近查禁役中其認真當差者固不乏人而仍前
玩泄者正復不少為此將本廳諭定規條再行申明務
須永遠遵行倘敢積久生懈視告誡為具文本廳唯有
從重懲辦決不姑寬勿謂言之不預也特示

今將規條開列於後

一頭役向來分為內外兩班照應監內差使外班稽查



出入人犯及一切雜務前人立法本意極為周密近
來祇有內班一人值宿外班間或一到並不當差是
外班竟同虛設殊不足以昭慎重嗣後外班頭役務
須恪遵前規逐日於開封時即赴中門於封門後方
准回家

頭役知自愛者多須時常告
誡存其體面庶得駕馭之法

一遇換班之期必須一體到齊然後開點未經點名之
先上班各役不准擅行出監接班各役盡行進監守
候俟至巳初仍有未到者初次誤點重責四十板於
簿內註明二次即行斥革其有點名後私自回家並
不當差者查出一律懲辦

提牢係逢三八日換班司
獄醫官及頭役禁卒人等

均逢五十日換班

一各監內不准缺少禁役每遇飯時分爲兩班輪流喫飯早飯以午初爲度晚飯以酉初爲度盡行進監本廳隨卽稽查如逾期不到重責四十板散役如不遵約束卽飭頭

役執板責之

一值日幫班各役除按卯點名外仍須逐日於巳刻赴本廳報名如僅報名而不當差者重責四十板其把守鐵門中門頭門聽差各役一體遵照辦理

一該班各役如本人當日患病須稟明內廳標給假期硃票由頭役斟酌補進一人持票回明本廳於簿內



註明何人替代方准出監此外不得託故誤差未經換班之先如有實係患病者須前期一日告知頭役擬定何人替代該役方免傳責

一遇交府交縣會府各差使先儘幫班值日禁役管押如不敷用由頭役派撥中門鐵門上該班之役前去所有各監內當值禁役毋庸外帶以免封門時有所藉口

一派撥外看差使各役所有喫飯時刻及逐日該班之人一體赴本廳報名違者照監內該班章程一律懲辦

一帶差赴司聽訊各役須加意防範倘任性疎懈一經本廳查見視差使輕重立即分別責革

一本廳定於掌燈時封門責成頭役按時催齊弁兵散役更夫人等務於掌燈以前盡行進監如屆封門時仍任意出入除將本人從重懲辦外仍將外班頭役一併責懲

一北監頭門封鎖開封等事向係本處該班各役經管南唯輪應該班之役有遇患病及派外看差使不克分身者往往互相推諉殊屬不合嗣後遇有前項各情各同該班之役須先期告知外班頭役暫行代為照



料免致遲誤如該班本役並無事故輒藉詞推諉致誤時刻者將本門各役一併從重懲辦以專責成

一遇大風大雨之期開封不准太早收封不准過遲如日間遇有風雨即責成當值禁役將囚犯逐一點進屋內不准在院落坐歇如有徇隱情弊唯當值禁役是問至夜間坐更各役本廳隨時抽查如有不按更單任意睡歇者立即重責

一更夫代囚犯購買食物先由中門嚴行搜查再責成各監當值禁役悉心查點倘有違禁之物如洋藥等類一經查出即回明本廳將原買之人從重懲辦如

知情徇隱別經發覺者將頭役散役一併回堂交司加等治罪

一兩監更道前經本廳添設柵欄原恐閑人走進藉生事端嗣後責成頭役於白日關鎖至晚間收封後再行開鎖將更夫放進

一各監下院空房平日概行封鎖唯每月初二十六兩日係放家屬之期准其開做至申後即行封鎖

一女監除放飯提訊時將柵欄門開鎖外餘須竟日關鎖不准閒人窺探至該監向無坐更之人曾經本廳派出秋後女犯六名輪流坐更每口月給京錢壹吊



文由本廳於每月十六日發給

一各監原設四床本屬寬做曾經本廳嚴諭每夜將囚犯分配勻稱不准任意多寡並令於收封時添開床單呈出原防擁擠之弊嗣後永遠遵行如經本廳抽查有與原單不符者將當值禁役從重懲辦

一每日開封後各監即將病犯名單呈出本廳屢諭詳晰註明病症查近日尚有漏寫者殊屬非是嗣後責成當值禁役逐日問明各該犯病勢註於單內以便散飯時照病症酌給藥餌

一天氣炎熱責成頭役傳知各監牢頭及更夫人等將

各屋各床逐日打掃潔淨水缸內不准缺水所有囚犯須勤加梳洗以保平安

監獄章程例載極嚴罪名綦重誠恐該役等不能周知易至違犯本廳酌定規條期於各役加意防範免致疎虞今特刊刻印板各給一張俾各役隨時寓目固所以示思患豫防之意亦卽所以保全該役等身家各宜凜遵

此規條係同治初年監犯周六等反獄一案後提牢重新議定極爲周到翹先從友人處求得舊底到任後立索原板始從破屋檢出蓋役卒惡其不

便業已藏匿多年矣

再馭役之法在於大事常訓誡小事不苛求提牢果能存心正大而光明辦事精核而渾厚伊等閱人已多自然心服無須違道干譽也

兩監外圍弁兵條規

一奏准由提督衙門分撥官十員兵八十名看守兩監外圍茲分作兩班輪值派中左營在北監每班官三員兵二十四名南右營在南監每班官二員兵十六名毋許混雜

一每於一六日期換班限午刻齊集提牢廳處點明間



有實因路遠不能趕到者仍於到時回明補點若遲至點燈後始到者卽交該管官懲責倘竟誤班不到立卽咨回該營責革

一當值弁兵俱在兩監外圍內住宿北監不准擅入中門南監不准擅入鐵門違者許看門禁役阻止倘不服攔阻卽回明提牢廳飭令該管官懲責如禁役人等扶同徇隱查出一併重究

一當值兵丁責成該管員弁每營派出二人輪流徹夜支更餘兵押令隨同持械行走其有懶惰偷安者由該弁卽行懲責倘查有酗酒聚賭等情卽咨回本營

從重究辦如果該弁兵等當差勤慎始終奮勉本部

隨時咨明提督衙門酌量鼓勵

一官弁兵丁出入頭門除另造花名冊交司務廳備查外其兵丁均設立腰牌烙用司務廳火印將姓名開列如有更換及缺額補充者仍回明提牢廳隨時換給

一交給各兵丁腰牌每於經過頭門務須攜帶備查至日晚值宿時卽將腰牌懸掛該管營弁處所以便稽察下班時准將腰牌帶出俟值班之日帶回在大門查驗後方准放入



一兵丁當值逐日必須親到毋許雇人代替以防混雜倘實因患病告假等情亦須回明提牢廳轉飭該弁於本營內補換如有私自雇替冒充者查出重究

一當值官弁每於日暮時將所帶兵丁查點如遲至封監尙有未到者由該管官在提牢廳回明記責若代爲隱匿不報一經查出除將該兵丁懲責外並將該管官咨回本營懲處

一當值弁兵日間無事仍應安靜各守本屋無許聚集喧嘩滋鬧倘有不遵約束者卽咨回本營懲辦另行揀補

一值班弁兵原各有本營俸祿錢糧足資養贍惟念該

弁兵等徹夜巡防無分冬夏亦屬辛勞本部酌定每

弁兵一名每日給發京滿錢貳百文藉資津貼由本

部飯銀庫每月支領實銀貳拾柒兩按照時價換錢

提牢廳於每日點名時按名散給

同治二年二月十六日

附錄原奏 謹奏爲監禁盜犯過多請 旨調撥

弁兵看守監牆以昭慎重而免疎虞事查中樞政考

凡監獄遇有重囚專汛員弁撥兵協同巡防如有大

盜十人以上者酌加兵丁巡防等語又

臣部每歲

朝審後照例行文兵部轉行八旗派兵看守監牆又



咸豐三年十年間曾因監犯衆多奏請由步軍統領衙門派兵防守均經奉旨允准在案今監禁盜犯衆多除由臣等督飭司員趕緊審結並嚴飭提牢各官督率禁卒人等加意嚴防外惟有仰懇天恩俯念臣部監獄重地事關緊要飭下步軍統領衙門酌撥兵丁八十名派弁管帶分爲兩班在臣部監牆內外安設帳房分別南北兩監晝夜巡邏以昭慎重而免疎虞俟盜風稍息卽行裁撤等因同治二年二月初三日奏奉旨依議欽此

附錄成案一則 刑部爲片行事前准右營廣安汛



派撥巡防本部南監之把總誠孚一員當差勤慎頗資得力監獄重地應行常川住宿所有該員本營雜差應免其委派以專責成其左營廣渠汛玉成一名查該員現無實在官職難以彈壓兵弁應飭該汛另行揀派一員管帶以昭慎重相應片行貴衙門轉飭該營遵照辦理可也

同治六年五月十七日

弁兵章程甚悉每夕點名如不到者多須時加嚴查方警玩泄此有關聲勢勿視爲無足重輕也冬三月廳賞各營煤炭錢數千時給勿靳提牢滿主事乏人卽另擇員外

本部奏臣部監獄分南北兩所設有滿漢提牢各一員向例遇有缺出臣部於滿漢主事中擇其勤慎老練者擬定正陪帶領引見恭候簡用一員充補

一年期滿即儘先補缺現在提牢下月初旬即值屆期漢員備送者尙不乏人滿員則僅有候補主事覺羅玉樑甫由起居注一等調部既係生手且遇有主事缺出即應擬補此外祇有學習主事二人其桂昌一員資淺年輕上年因一時乏人暫充擬陪今若即以之擬正究恐未能老練其薩麟一員亦係年輕資淺若拘於此三人中選擇臣等實不放心不得已稍爲變通擬以



現任實缺主事中選擇正陪帶領引見如該員受

任一年期滿即照主事儘先補缺之例以臣部咨缺員

外郎與奏准留部人員先後遇缺奏請陞用俟後滿州

蒙古候補及學習主事有能勤慎老練者仍照舊辦理

如不得其人即照此次選擇備用道光十七年邸抄

此案載在刑案匯覽以事係提牢附錄於此

立秋後待質各犯名冊章程

南北監羈禁人犯以現審新收及秋後舊管爲兩大宗新收者向有分簽簿開列各犯花名易於稽察如有開除即於每日呈堂稟帖內逐爲聲敘立法極爲美備惟

舊管秋後人犯只有總數並無清冊遇事臨時現查多致錯誤茲奉 堂諭將各犯罪名並入秋審年分彙註一冊各犯之顛末本廳既可藉此周知即遇有查辦減等之年某犯應減某犯不應減其入秋審次數均可按冊而稽亦不致或有遺漏誠清理囹圄之要法也至隨時增添無廢此舉則有待於後任諸君子焉

兩監舊管人犯除秋後一項外惟待質者為最多而待質之年限又各不等往往有期限已滿查辦稽延遂致疲斃殊堪憫惻茲將各司待質人犯逐查清楚彙為一冊註明待質若干年如核計限期將滿本廳隨告知司



中預為辦稿迨期滿即呈 堂書結則已定罪名者可以發配未定罪名者亦早開釋似亦清理囹圄之一端也此外又有監追人犯例有年限與待質辦法相同至永遠監禁及瘋病鎖錮各犯雖在秋後緩決之內究與尋常緩決者有別且瘋病更有五年查辦章程亦與待質立限相近均另附於後以便周知敬祈後任諸君子遇有各司付片到廳隨即按類添入此舉賴以不廢則幸甚

此係翹在任時奉 堂諭定立

囚衣歸廣西司辦理每年交二三百套不等四月進

題銷本

司中交廳之衣棉薄幅小布料紕疏數日即破可

以捐款提牢每年九月後向本部堂司措寒衣捐須先飭吏查清闔署同寅名號寫好緣簿募後可託各司掌印主稿代收送廳庶不落空再自買原當棉衣百餘

套當鋪出銷者謂之原當擇最貧犯給之頗煖而耐穿然散

給後須記帳防黠囚轉賣重索如實係穿破再給

勿吝且有鎖杻之犯更費衣勿一例視也

再司中所辦衣年有領款須催令早交並嚴飭裁

作寬大否則推諉過時司吏總以庫不發款為詞其實庫中年年必發也

司吏遂將領款入橐矣交衣少領款多弊亦須防



刑具歸四川司辦理同治四年四月間添設木杻四十

具如有實在兇惡不法盜犯准回堂後加用木杻

其餘不得妄用原稿並聲明此係因鎖鑰不敷暫時

添設如鐵鍊一經敷用即行裁撤煮飯鐵鍋破漏並每年冬季苦蓋圍

牆茨棘均付四川司行工部辦理

木杻乃例有刑具例杻係施於手今施之不法盜

犯亦係防範不得已之意治獄之道防範與體恤

體恤而不知防範必致別滋事端愛之適以害之也然聞始添木杻之提牢

某不一年即身死二子亦俱歿命有定數未必即

由於此而作俑無後聖人之垂戒深矣遇帶木杻

之犯給尺布兩幅護其皮肉庶恩威兩盡

再兩監鐵練向章歲底 堂派員會同提牢查點

近聞遺失甚多應確核 額設全鎖八百副同治十

取跪鍊實不敷用片行工部製造時鎖六百八十

五掛手鐐七百四十三件腳錄七百四十三件湊

斬絞犯病故歸浙江司辦理封印前具題 亦歸該司承

辦

保護病犯第一費心事亦第一陰德事遇有病犯

時時屬合同監年陳人犯用心扶持侍醫藥飲食常

俱查問放飯時進屋察視如各屋調理病痊者多



及連月無病犯或無病故者須分別給賞 不拘時

若一定時日數目則以示鼓勵其屋內病犯多者

成例賞人不知感矣 時加申飭庶各知慎重而疲斃者少矣

再放飯時犯皆魚貫立屋外以待若各屋皆須進

內查看則為時過久俟放至末屋飯必致冷若第

觀其外而不進內查看則屋中隩隅是否一律打

掃潔淨病犯情形是否均與報說相符並難保無

勒禁不放之犯須知抽查之法或早飯查此屋或

晚飯查彼屋或早晚飯均查此屋或連數日均查

彼屋總使伊等不能預防庶有所忌憚若於放飯

以外偶然便衣閑步或閱視圍牆及飯屋各處或

到內廳司獄處商酌應辦諸事隨時抽查亦可北監

中門常有役伺察提牢一進鐵門便呵喊各監提即知准備南監則每不及防屢被查出弊端矣

牢廳在闔署地勢獨低雨時易積水廳外長溝前

任廷燕二公回堂領款挑空頗資利洩翹任時辛巳六月

月大雨水北監內更道積土高半於牆易致梯越

聞後任訥子襄欽殷秋樵如璋費大工力去盡均

應隨時查看勿任令更夫禁卒棄灰堆土致廢前

功凡屋內出土時飭更夫挑至署外

更夫三十二名飯頭在內隨時挑充禁役一百二十八人俱歸



司務廳管理禁卒每月祇領有工食銀一兩五錢

更夫於工食外在戶部支領三季米三百三十九

石二斗工食米石現均折扣發給計所得不足一身養何論其家今之事如斯者甚多奈何

禁卒頭役八人分南北監各管十四人每收一犯中門

出一名簽謂之原收欲知一年總收人數查禁卒

名簽全出幾次便得之

禁卒名姓相似者多最難記多係父子兄弟叔姪彼此毀譽須視其人

換班點名時逐一詳視久之自認準面貌則其勤

惰易察若提牢茫然莫辨惰者愈惰勤者謂之當

黑差役有勤者及看過現監者派外看差使勵之勤者隨時派看過現監者以抽簽定派之先

官犯多收北監以去提牢近也外看差使亦多在

廳旁左右北役則南惟蒙古寄監人犯向收南監

作布被給病犯發汗或飭其勤晾一屋

薰藥蒼朮大黃紅棗三樣各一觔為末早晚放飯

時令各屋薰燒最避疫癘每屋月給觔半十日一

料銀歸月例

加添鹽菜例給鹽菜雖少勿令斷恐後無添者並

摘換床板廳旁小屋存有前人捐置床板五十

糊頂棚避臭蟲也監

冬月草蓆定作織厚例

夏月給茶葉並另購甜水飲之監井係

夏月給草扇

夏月製單衣數十套量犯酌予不同

佳節放湯每屋給肉數觔人給麪一觔或給餅

女監間時給草紙木梳各屋均可給

以上數事均前任已行者如有友朋捐助翹家寒

任所辦各事均係堂憲潘及友朋捐助之款

至今感泐無既尤幸者滿提牢樂希元善遇事和

衷絕無異議竊願後之共事者常思同舟之喻庶



餘留於下任不必枉費不必重費方為大公何必存恩自己出之見以有用歸無益也

章程煩碎冊內有連類而及者有彼此互見者有前人已言重為申明者有別條已悉即不再及者閱者須通冊合參庶得其要

提牢固屬煩難然法制嚴肅事權歸一較在司辦事少掣肘聚訟諸弊苟公正而無私允號令之罔阻甚勿仙仙視視低首下心為吏役所竊笑也若無知而作任意以行則又失矣

提牢備考卷三終



提牢備考卷四

長安趙舒翹輯

嘉言懿行先路之師博採廣收為治之要我朝矜恤庶獄纖悉靡遺官斯職者類多惠政踵而行之仁詎遠乎蓋使人知獄吏之尊不如使人有眾母之感也輯雜事考

合肥李玉泉先生

文安 貫垣紀事詩

方今法制詳明提牢一官職有攸司遞年更換新者或有未諳舊者必以瀆告予任事將滿一切事宜境況均所親歷思在官言官之義公餘之暇緝為四字題各綴以七絕一首端主紀事不計詩之